

四庫全書

集部

欽定四庫全書

龍雲集卷十

宋 劉弇 撰

生辰詩

知府黃龍圖

安中

生辰五首

并序

弇惶恐再拜弇竊謂天之生是人也雖若無預吾事至於命世大才則人皆欲為時而生也既生矣不幸而用不究其蘊與畧究其蘊而居不得其地於是外焉者人

必欲還之朝侍從焉者人必欲使之相天下而後已此  
世之常情也然則命世大才其生也固與衆人異而人  
之蘄贊之者亦不得不異矣茲者伏遇判府龍圖慶誕  
之日弇辱顧最厚不敢自比於默默者謹成拙詩五篇  
首篇紀昭武為東南佳壘命世大才於  
字少一鍾山川淑  
靈而生也次篇紀遭遇先朝致身論思之地而又其  
次則見偃藩章淑其悉心疚懷無一不在民物者又其  
次則言抱負至蘊人皆欲我公之歸而莫先黃閣者至

其末篇則大率本之奉觴祝筭皆衆人之所同而五篇則非特為閣下賀又將以賀夫民物它日之有賴於閣下者也蠲祓神觀自以為有所謂不偶然者其本末如此謹持詣台階上獻伏望鈞慈俯賜采覽下情無任歡抃激切之至

由來昭武勝天台淑

一作問

氣俄鍾命世材天上月華方

攝兔

一作縮桂

人間春色已先梅長庚夢白真無敵嵩岳生

申世有開直恐龍陂清澈底

昭武有九龍陂

照人都入骨毛來

早歲聲名

一作華

動玉除區區漢日謾嚴徐高將官况雲

難學清得才情水不如端的好光親

一作依

日月分明有

一作得

力是詩書軒軒昭代文章伯誰識麒麟下紫虛

豫章瀟洒古南州偶屈天邊法從遊孺子榻塵終日少

曲江詩板有時留

唐張曲江都督洪州日留題尤多今集中存者尚數十篇而公有雙泉鐵

柱橫泉井竈潭滕閣等數篇皆傑筆出張遠甚

千帆白雪艤艫浪萬頃黃雲穠

緹秋誰

一作欲

識使君經濟處

一作切

長年清怯為民憂

從古無雙江夏黃此身親造玉宸

一作除

傍暫閒十載陶

釣手猶勝一時鵝鷺行況復唐虞新日月不妨伊傅好

舟航願

一作定

酬千里邦人祝直築沙堤到大梁

迎春新酒撥鵝黃獻

一作前

壽爭持湫漚觴入夜台躔動

符彩拂星旌戶集簪裳平時猥辱非常顧賤子初無可

錄長獨有此心效芹塊願先歌贈熾

一作壽

而昌

知府熊公待制生辰并序

弇惶恐百拜茲者伏遇知府待制侍郎慶誕生辰某也  
久辱庥庇懷不能已謹課成五言二十二韻祝壽律詩

一首詣台堦上獻伏乞少賜采覽

天上麒麟瑞人間杞梓良

一作祥

扶周崧孕秀開漢昴騰

芒熒月清和半桑弧決拾傍雲旌初驗昉

任昉母裴夢五色旌四角

懸鈴自天降而入懷生昉登梁顯仕

水渚忽臨張

張興家世臨水無有島嶼興生門前忽有島生

後絲歷貴仕

汗血來西極長離下女牀決科霄漢上著姓斗

牛鄉伊昔聞遭遇維時適凱康輔臣推練達天子賜輝

光政府初更贊農曹亦薦揚仰窺惟白日穩步是銀潢

西掖常楊筆同天舜禹觴

神考誕聖日公親上壽觴

岷峨欣惠字邛

笮入寥狼襦袴謠南海韜鈴肅桂陽有為皆稷契無地  
不龔黃藩服今連楚江城故壓章熊憑新傳軾雞馥舊  
含香賈召行前席曹歸定東裝鈞中揮造化川際起舟  
航賤子慚庥庇佳晨倍激昂松椿先衆禱芹塊止誠將  
和逐薰絃遠歡同畏日長椒漿持滿竿何計上公堂

上熊待制生辰二首

雅什曾歌嶽降神合看天上玉麒麟舜絃一弄均和氣  
堯莢三收得令辰池到鳳凰須指日符分魚竹未妨身

祈公戩穀終何擬星有元台木有椿

往歲曾看九萬飛日邊親得好光輝西清瀑

京本  
作寓

直荷

為橐左蜀宣風繡作衣直使聲名過紫塞

京本  
作殿

剩留功

業到黃扉蒼生久繫為霖望早晚追鋒合此歸

王運判生辰二十韻

高躡明昌會全收傑俊聲慶緣庚入夢粹是昂騰精梁

日麒麟下周年鸞鷟鳴門庭二謝美襟韻七閩深姓字

黃金榜才華白玉京五車經目盡一賦未晡成在昔聞

開泰于時契陟明經綸真主識風采滿朝傾迅擊方秋  
隼橫騎上漢鯨激昂孤立氣魁壘並遊英決指西清邁  
俄優左省行堯天窺日月漢陞右公卿易脫臺冠舊軺  
馳使傳輕瘡痕瘳物瘵荆枳斲姦萌范轡歸餘事菜衣  
萃極榮陋儒何幸會慶誕適親更芹塊慚無補賤毫浪  
有情涼颼來翠帟嘉氣動雕楹歛艷千分酒盼翮萬里  
程祈公此心切立欲壽如彭

冬至上王丞相生日黃鍾歌

乾坤變化造萬物十有一月生黃鍾黃鍾資養太和氣  
上賢稟受為三公至音鏗鏘儀鳳凰播在簡冊成文章  
權衡度量立大法朝廷四海聲洋洋往時霜木立如束  
原野焦枯無紫綠自從緹室一陽生半夜萌芽動寒谷  
登堂請獻眉壽杯願同律管容葭灰玉鉉金鼎調鹽梅  
年年陽德先春來

狄大夫生辰二十韻

一指斗魁天陸北五新蓂葉帝堦傍降神山嶽全儲秀

遍射桑蓬驟發祥  
廐暖共看駒汗血  
玉靈爭記水流方  
家臨人物先賢楚  
祖擅功名大國梁  
孝穆撫摩驚秀整  
升卿標識見蕃昌  
芝蘭庭戶真難得  
雕鶚風雲自不常  
頭角人間知有子  
星辰天上早占郎  
州緣綠髮臨來好  
路到青梯上正長  
濯濯柳姿今識緒  
汪汪陂量舊傳黃  
警虛比戶沉宵柝  
愛結曾陰轉曉棠  
座上藍田神更潤  
匣中干越智彌藏  
一作藏龜魚腰重黃金刻  
珠玉胸開古錦囊  
放雀籠樊饒奮翥  
饋魚尊俎稱淋浪  
旄倪芹塊懸

私禱譜牒松椿入短章季諾往蒙新睽渥膺門仍出舊  
恩光昂頭竟類田方馬賀厦空循考父墻堆玉嶺屹方  
刮眼橫雲擺極已登場光回愛日庭希訟喜動前旌客  
薦觴况復爛斑衣上綵不妨瀟洒醉中鄉願符魯什昌  
而熾更擁箕疇壽且康

賀提刑生辰二十韻

律中蕤賓候時生翰苑才昂星天上降玉樹暑中開地  
望無雙也公侯有種哉儀刑推虎子頭角號龍媒雅負

凌雲操陰懷構厦材家聲說王謝儒學美鄒枚德宇渾

深厚書林早貢

疑

該發談生霧露走筆落瓊瑰仕譽彰

宸聽綸恩擢憲臺泥封雲外捧使旆日邊來未夏薰風  
至先春暖氣回驅馳車翼翼制割刃恢恢欽恤恩涵海  
澄清令走雷露幃日照日行部駕揚埃上表除蛇豕飛  
章薦草萊閭中金韻擲醉裏玉山頽龍印當時伏鷄班  
異日陪暫來為八使終去面三槐身况推華曹門曾位  
上台定重調鼎鼐應再作鹽梅適遇懸弧旦宜傾上壽

杯下僚何所祝願早見天魁

挽詩

哲宗皇帝挽詞二首

帝所鈞天樂人間敝屣輕夢移黃屋貴丹從紫霄行

一作

軒臺猶信夢  
杞國竟憂傾

雲絕依

一作  
從

堯望山餘祝漢聲夜長堅絮

漆川急愴牆羹

一作  
羹  
榆柳疑是榆揚字誤

鴈鷺黃金

闕樓臺白玉城陋儒孤識擢清血九秋橫

臣元符元年  
進南郊大禮

賦上稱善擢

秘書省正字

禹迹從容陟虞華舄奕重辰韓頒祕籍

高麗遣使求太  
平御覽書詔祕

書省錄本  
以賜之

湟鄯撫新封洮頻方

一作初

憑玉顙胡忽挽龍

鳳岡盤王氣柏殿邃真容洛照

一作秀

當陽水嵩回

一作朝

入抱峯傷心守陵女猶認上陽鐘

### 大行皇太后挽詞二首

摯別關雎德吁嗟卷耳心軸回坤事退波度月痕侵金  
暗奩花澁椒寒壁氣沉生平宗廟福膏澤在民深

東朝功業高參九丞相門閭盛活千二紀再中扶漢日

一簾全覆避堯天  
濯龍春去蠶空老  
長信衣藏玉不烟

與子弄孫神聖上  
飛騰誰識

一作傳

母儀篇

追尊皇太后挽詞二首

代郎基元命唐侯福萬邦  
五雲深紫鳳九地轉銀江  
白玉形容丹蒼煙扈從幢  
由來閭閻路望絕帝瞳雙

循陔備養虛蘭膳吹棘深  
慈愴凱風歲閱栢捲餘舊  
物氣躔龍虎識新宮素冠  
起簾三年外暖律添暉六  
服中百載重論章懿典崇  
成應得敵高嵩

何隱居挽詞二首

人世猶

當作由

來共一漚如君無憾此生浮蘭陔長負平

生

一作居

養蒿里方成不測遊故物他年歸石馬東楹何

事揜天球始應羞殺吳中士誤把垣星決去留

瑟縮神臯萬木悲此中祖輟是長辭半生桂向秋蟾老  
一日舟先夜壑移終恐短長私造物了無毫髮愧銘詩

青鴛僅

一作近

就干雲構誰是當年識履綦

歐陽升之挽辭

老爛為儒衆所聞病中猶不廢研論生榮不得文章力  
死贈須霑雨露恩賢有鳳毛奚所憾命終龜壽亦何冤  
卧牛又得佳山水青紫他年定滿門

哭上藍居晉禪師二首

師在雲無心師化雲無迹明明身後語宛是西來的胡  
為西來一作子計較歸寸尺膏脣拭舌奈爾何吐哉青

蠅真弔客

惻惻復惻惻浪生浮世悲清松疏冷風尚想瀟灑姿一

決寄去留羞殺方袍兒令人却憶當一作興陽剖杼手退  
身徒爾為

鄧縣君挽辭二首

九原秋草沒麒麟哀挽黎明出問津花魄欲招誰些楚  
簫聲先斷客愁秦冢間白鶴空雙舞天上黃姑定卜隣  
晬晬目存成底事空餘粉墨逼天真

中庭熨冷事多違像設俄驚總作幃風雨夜花連子失  
鈎黃朝鏡覺鸞非一篇潘賦空齋恨數鼓莊盆未息機

俯仰便成今昔異  
瓶銀簪玉意何歸

樂府

寶鼎見

濃陰堆積迴野空  
曠將回微煦還是覺  
早梅依舊清艷  
枝枝攢曉樹弄霽  
影盡脂凝香蒂瓊  
削纖葩競吐對幾  
處園林芳菲消息  
都因傳去取次臺  
榭等閒院落偏  
宜獨擅芳步長恁  
恐壽陽神面如射  
水膚成暗妒笑杏  
塢共挑蹊誇麗一  
霎狂風驟雨又爭  
似年年此際先得

東皇為主 好是雪裏精神曾解惱遊人吟顧想當時  
折贈端的憑誰付與蕩醉目恨同雲阻盡角聲將暮想  
異時成實和羹止渴還應得路

洞仙歌

淒涼楚弄行客腸曾斷濤卷秋容暗淮甸去年時還是  
今日孤舟煙浪裏身與江雲共遠

別來丹枕夢幾過滄洲皓月而今為誰滿薄倖苦無端  
悞却嬋娟有人在玉樓天半最不憤西風破帆來甚時

節收拾望中心眼

金明春

寶歷延洪昌辰開泰崧嶽儲靈特異賢才並時間出盡  
一一驚人絕藝捧鄉書氣格飄飄似閬苑神仙參差相  
繼縱疑子墨文章相如才調驟覺雷聲平地太守賓  
興當此際正瑞靄寒輕虛堂風細舞腰旋飛塵髣髴歌  
管遞清聲嘹唳况相將桂籍榮登對酒面鱗紅何妨沉  
醉但管取明年宮花重戴共賞金明春意

內家嬌

綽約羣芳裏陽和意偏向一枝濃向南國驟驚動人奇

艷未饒西洛百奔

奔疑并字誤

千叢斬新弄曉來無比格半

折斷腸紅三月洞天又還疑是賦情楚客窺見牆東

朱欄千遍倚生愁怕無計奈雨禁風別有瑞煙暮時與

遮籠便縱使當日文忠品第趙昌摸寫難更形容應念

故園桃李羞怨春工細想勞生等閒聚散冉冉輕似秋

煙蓮心暗苦月意難圓神京去路三千當日風流有妖

饒枕上軟媚尊前何計訪蓬仙斷腸中一葉暗川到而

今追思往事奈向

向字疑何字誤

夢也難到奴邊自恨不如蘭

燈通宵尚照伊眠恰道無緣被人勸休莫瞞天多應是

前生負你今世使我償填

佳人醉

元宵上太守

月到樓臺第幾十里金蟲成綴裊琅玕爭冒絳毬起試

新粧嬉春粉黛盈盈暗香結誰家穠李


擁綈騎簫鼓沸三市別指春風畫隼歸度鰲山影裏間

紅翠揮觴不待遊人分袂悄朱簾十二

惜雙雙令

新添或云親筆在  
睦陂曾氏

風外橘花香暗度飛絮綰殘春歸去醞造黃梅雨冷煙  
曉占橫塘路翠屏人在天低處夢斷行雲無處據此  
恨憑誰訴恁時却倩危弦語



龍雲集卷十

欽定四庫全書

集部  
龍雲集卷十一至十三

詳校官庶吉士臣吳烜

侍讀臣孫球覆勘

總校官進士臣朱鈐

校對官主簿臣郭祚熾

謄錄監生臣徐葆

欽定四庫全書

龍雲集卷十一

宋 劉弇 撰

表

代陳度支楚州謝上表三首

皇帝表

臣某言

云云

奉使章頌百謫自甘於中斥殿邦淮右一

麾尚沐於餘榮繫積誅稽感深涕泣伏念臣起家蟲篆

仰祿斗筲粗安風雨之鷄鳴耻曳泥塗之龜尾負緣  
盛際冒昧亨途熙寧偶備於按臨永裕繼終於驅策  
然猶貪報不已為謀果踈謂僚執之間勢亦不無於分  
契而司存所繫法或容有於申陳不虞朋比之嫌卒撓  
簡書之畏橫干國憲煩速人言敢謂尚錄其十數年之  
勞姑付以二千石之任畀之符鑰開以洗滌此蓋伏遇  
皇帝陛下堯熙性仁湯存物恕微譴薄責以寬謬誤  
遠覽博照以盡幽微知臣本心非它冀臣後效有補臣

敢不載惕舜幽之黜亟圖漢最之聞究竟朱愚布宣寬  
大雖人情各言其子不過愛之使生况祿養尚逮於親  
其為得也孰厚乃情報稱九隕猶輕臣無任

### 太皇太后表

臣某言

云云

溥博天慈初不遺於覆露翺飛物品曾未

忍於棄捐式寬明刑仍付劇郡捫膺知幸雪泣無從伏  
念臣吳會寒宗丘門末學昭代一命纔比衆人白頭雙  
親惟仰寸祿一昨裕陵已事章許分臺止存自信之

朴忠弗計他時之咎譴果緣繆舉難逭煩言分當司敗  
之拘何有剖符之覲而況山陽故治淮浦名區生齒實  
繁賦輿惟錯關閭物魚鹽之積湖陂輸秔稻之饒足奉  
安輿以息疲力茲蓋伏遇太皇太后陛下揆材主箔  
軫物納隍德邁無疆道存善貸體尚寬之典以作辟開  
自新之路以期人夫何生成亦使沾被臣敢不激昂後  
效懲創昨非惠綏編齊布諭條詔疲馬伏櫪未忘鞭策  
之加涸鮒問津姑丐斗升之活永言補報誓極靡捐臣

無任

代賀平鬼章表二首

皇帝表

臣某言伏覩進奏院報狀稱熙河經略司八月十九日  
洮西安撫种誼等領兵禽獲西蕃大首領鬼章文武百  
僚拜表稱賀者戎索偏隅金行絕氣舊惟函覆解網曾  
時於湯寬晚乃陸梁搖蠭振先京本作同於邾小廟堂湊前  
箸之略疆場起屬鞭之思待之盡則一作責之宜詳恩

所加者義所當制理難置於度外虜自墮吾計中枚士

籍馬

京本作拔  
士差馬

以擣空虛鍛戈礪刃以乘罽毼

一作  
墮紛

鵠鶴而成列舞輶輶而佐攻豈止擣歛侯之旗更甚蹈

烏丸之壘巢傾族帳頸係首渠懽動捷書快稱武弁

中

謝

恭以皇帝陛下廣文通駿纂禹圖洪體乾坤開闔

以運機緘盡日月照臨以啟封畧悅使而民忘其死德

至則威行如流視夷狄猶蠱蟲何有越其志者謂威武

象震曜不得已而用之拔士於賁諸

印本作  
賁育

之倫命將

以方虎之事敵歸指顧筭若

一作入

神明蠹茲國紀之自

干至是刊書之就正羈致北闕已陳頡利之生俘廓清  
西氛不復虫尤之迷霧臣遠守郡印不獲稱慶闕庭臣  
無任

### 太皇太后表

臣某

云云同前

天生四夷難化以善武有七德誰能去

兵曾何附塞之遺羶頃有窺洮之小黠種纔喙息地則  
彈丸謂蟻穴可以潰堤而螳臂方將拒轍脣齒外援當

寧軫宵旰之憂，蠶噬近邊，乘障怵風塵之警，乃眷西顧，惟懷永圖，兵十則圍人百，其勇寧撓雲之樓櫓，傳起土之距閭，纍然兇酋如虎，入柙，藐是餘醜，同梟覆巢，鎖以琅當，係以徽纆，方四喧於虜，獲舉一快於人，聞恭以太皇太后陛下聖性右慈，治功宅厚，文武講修於積日，正朔加被乎遠夷，謂其幽間僻陋之難懷，所以慰薦撫循者，甚備三驅之前禽，偶失兩端之首鼠，輒窮雖枯茲自絕于天，不資雨露，使封豕無害於物，何事累置累載。

逋誅一朝殄滅迅如馳颶之隕霜葉赫若烈火之燎鴻  
毛諸蠻望風而景從它羗破膽而鳥徙無勞廣利繼出  
大宛之西將見呼韓別款五原之下臣獲盛烈第切歡  
悰臣無任

代江西轉運副使謝上表二首

皇帝表

臣某言伏奉告命差權發遣江南西路轉運副使已於  
某月日到任訖輸將黽俛初乏他勞恩寵叨逾就徙隣

部薄深知懼跼蹐靡容

中謝

伏念臣諸生起家孤宦陳

力續鳧截鶴非其性命者弗為刻舟守株徒以朴專而  
自信省閏昨塵於備數郡章繼遂於請行毫社一麾句  
吳再稔謂殿黜偶逃為已幸而刺舉承乏亦何功况復  
星軺仍在江介接境舊俗尚驚鷄犬之相聞問津故家  
益喜粉榆之在目聲情已過人食殆浮此蓋皇帝陛下  
下平均邇遐崇長寬大使愚民皆諭上德知前世尤重  
外官越自衆人付以十郡臣敢不稽六條而刺吏放九

賦以經財振領提綱揚清激濁雖其眇跛之難強願效  
萬分如或犬馬之未先誓將九殞庶微罪悔以荅生成  
臣無任

太皇太后表

臣某言

同前

數月乘輅始溫坐席一朝易地亟奉俞音

冒寵知慙捫膺載灼

中謝

伏念臣差池筮仕寒遠起家

汨沒四朝侵尋五紀寡先後游談之助止介愚朴陋之  
身出望外者居多衆咥瘝在去老境而無幾自幸郎潛

敢意晚年連刺劇部按兩驛故鄉之便道得千里長江  
之上游使者之輜軒此來先人之弊廬若在風俗樂易  
顧臣何功愚私稠重如臣已足此蓋太皇太后陛下  
母慈載育坤厚無疆求賢審官而勤勞每加鼓衆動化  
而中和斯尚略其驚短挽以事權臣敢不糾逖貪殘頌  
宣條教問民所疾苦阜時之財求疑越鳥巢南方便家  
而效職吳牛喘月敢憚事以包羞倘管蒯未棄於絲麻  
庶涓埃少裨於淵嶽臣無任

謝賜元祐編敕表二首代

皇帝表

臣某言

云云

玉律金科一新於既往乾開坤闔大布於

無私方傳麗辟之成書俄拜自天之嘉賜寵靈曲逮愧  
負交深臣中謝恭以皇帝陛下畫象體堯泣辜視禹

謂聖人陶鈞之上俗雖有成而司空城旦之書時亦不  
免凡震曜殺戮之取類皆節文科指之務明靡輕減鼻  
之噬膚止取漏鯨之疎網曾何遠守輒賚新編榮超故

里之家藏戒切當年之座右

臣

敢不持循三尺祗惕五

綦期終日以稽參偕庶邦而遵用於此得難犯易避之

意何啻書紳庶幾與遷善遠罪之民同歸按堵

臣

無任

云云

### 太皇太后表

臣某言

云云

因草百王成此不刊之筆削重輕一世視

猶難犯之江河方頒賚之有初顧競慙而靡措臣

中謝

伏以太皇太后陛下雷風驅號銜轡御時威克於愛

之已有餘法救於禮之所不及爰命邇臣而潤色俾揭  
昭代之章程敢期金玉之新書曲逮江湖之外服臣舊  
慙懵昧偶忝承宣獲觀坦坦之漢條益小區區之鄭鑄  
敢不夙宵迪畏始末遵行杜黠吏之舞文曉細民之觸  
網寬科易守遠殊末世之秋荼私室傳觀長對先王之  
象魏臣無任

謝賜元祐編勅表二首代

皇帝表

臣某言

云云

知因知草百王所以從宜世重世輕三典

於焉迭用大布維新之聖憲例頒無補之守臣祇荷寵

光伏深愧汗

中謝

伏以皇帝陛下乾行剛健賁揭

文明俯哀衆愚迪循大卞雖前王所恃著乎律必本於

人情而上德以寬服其民亦稽諸時變譬彼當更之琴

瑟曉然難犯之江河其屬三千而該節文若數一二而

得凡要遂享有截茲謂不刊臣敢不練達章程訓齊品

庶肅雷風之大號謹金玉之寬條尚俾愚民知欽哉惟

恤之堯舜更期盛世幾措而不用之成康臣無任

太皇太后表

臣某言

云云

物極則情偽滋法遷而因革用屬此纂承

之休運完然刊刻之新書凡厠邇僚類拜嘉賜寵靈逮

已戰越交懷臣

中謝

伏以太皇太后陛下垂裕延洪

寶慈善貸謂以殺止殺大率務在於勝殘而當更不更

末世有至於生弊遠則天聖嘉祐之準則揆度近則熙

寧元豐之樽裁補苴出於人情之當然與彼天下而共

守言律自微於破析甲庚咸得於後先臣敢不三復寬  
科五申舊俗遵簡則易從之例類體疎而不漏之慈仁  
無廢糾虔如得其情則勿喜庶期遷揉茲用不犯于有  
司臣無任

賀赦表二首

代洪帥熊  
伯通待制

皇帝表

臣某言月日遞到赦書一道臣即時當官吏軍民宣讀  
及散下管內縣鎮施行訖者天語粹溫睿慈淵博弭常

寒之積冷開自新之坦塗凡在燭臨罔不歡躍

一作  
林臣

中謝伏惟皇帝陛下重輕視世先後得天生而性堯

舜之仁間則罪禹湯之已頃緣凝返曲軫疲羸萬計縉

錢澤先泉漏一朝溝瘠生若手援然猶慮弗獲之匹夫

紆必歸之九死禮神

京本  
作賢

通貨弛

一作  
蠲

役寬租渙汗適

契於水風解作盡亨於雷雨封錢何補於陋術退舍終

愧於誠心豈若視民如傷與物更始帝王之務在簡方

自側身天地之德曰生已聞周物臣遠守郡印不獲稱

慶闕庭謹奉表以聞臣無任

太皇太后表

臣某言

云云

應以實者其畏天至厚於仁者其恤民深

方寒若以疚懷俄霈然而下澤欣愉所暨普率攸同臣

中謝

伏惟太皇太后陛下坤布廣生渙行大號際天

窮日以撫六合泣辜觸

疑

網而哀衆愚屬飛霰之陰淫

憫疲民之彫瘵始既發大農之積晚猶寬士師之誅術

小淖靡道瑾頓還於生意恩逾肉骨圖靡更拔於沉魂

重陰掃而六沴消協氣流而百嘉至雖患心疑盡其物

願利有不言而好生洽於民心刑斯可措臣獲當宣布  
倍切悃悃謹奉表以聞臣無任

太皇太后表

代賀三后受冊表三首

臣某言

云云

蓋聞厚德載物者必本地道一視同仁者

其惟母慈位號不崇則無以示成功之隆典禮不縉則  
無以章流澤之遠厥惟成命允屬熙朝凡在見聞靡不  
鼓舞臣中謝恭惟太皇太后陛下垂箔佑聖覩天發

祥卷舒致一之坤元光大取中之離照固宜傳鏤玉牒  
增輝蘿圖追任姒以匹殊休軼馬鄧而擅丕懿張是不  
朽垂于無窮臣限以守藩不獲奔走稱慶闕庭無任瞻  
天望聖抃蹈激切之至

皇太后表

茂典威蕤閔休越軼增塗椒之懿鑠揭鏤玉之溫文自  
邇及遐式歡且抃中謝恭惟皇太后殿下儀坤作配  
開泰丁辰婦德夙裕於兩宮母道遙隆於上聖不有懿

表孰示貴高赫然洪名焯彼彤史臣限以守藩不獲稱  
慶闕庭無任瞻天望聖激切知歸之至

皇太妃表

載展上儀式揚懿號凡在中外罔不歌謳

中謝

伏惟

皇太妃殿下肆助先朝篤生上聖誕姜嫄之彌月嗣太  
姒之徽音苟非邁景鑠於無前何以隆孝思於罔極厥  
惟茂典實副輿情臣限以守藩不獲奔走稱慶闕庭無  
任抃蹈激切之至

代謝移湖南表二首

京本作湖南  
上任表代人

皇帝表

臣某言

云云

使指肅將方就除於江外綸言極下旋更

役於湖南

京本作  
湘南

祇服寵靈凌兢官次

中謝

伏念臣親

逢昭代自審孤忠諸生決科束髮從政雖讀書挾策無

有過人而食蘖飲冰粗知行已曩緣寸進繼剖左符兩

玷最書之員四剡侍臣之牘類皆適會初亦何功驥已

遠而前駕雨方膏而施灌而況長沙劇部吳芮故區控

百越以分封包九疑而莫壤洞有羈縻之僚俗野多鬪  
鬪之搖民歲錯賦輿水稠饋餉厥稱臨按實係重輕豈  
容譎才獲拜嘉命此蓋伏遇皇帝陛下堯雍變俗湯  
恕緩人大明既升取照或先於葵藿鴻造難報貴誠亦  
及於蕭茅在曲技之無他尚淵衷而必軫器其所使式  
此不聞臣敢不愚竭事先效收寄外布宣寬詔竊比周  
家誦志之揮人採摭俚言庶異漢世輜軒之使者冀因  
驅策誓極糜捐臣無任

太皇太后表

臣某言

云云

睿慈普博適加垂晚之小臣劇部愷康就

付再持之嚴節銜命中灼捫膺退慙

中謝

伏念臣淮海

寒宗西南久次就事無盤根錯節之敏遭時有建隼憑

熊之榮五期向更兩課連最乾坤慶

疑

露草木欣得於

嘉生海岳崇深

京本作  
淵崇

涓埃自顧而何力忽從郡紱輒

式輶車存見吏民未溫章貢之席驅馳道路旋改瀟湘

之轅揣非據以難堪緣誤恩之曲逮茲蓋伏遇太皇

太后陛下玩心垂箔寬物憑河擁日東桑增大不遺之  
末照回春北陸權輿自造之衆形寸長有聞一介必錄  
擢臣於疎逖之餘而矜曲藝委臣以浩煩之計而圖後  
功生成居多父母奚擇臣敢不訓諭德意惠綏遠氓言  
從翼軫之故墟使知堯舜之在上仰期優假力究朱愚  
失諸東隅尚有桑榆之可勉託其初步願因跛鼈以求  
前補報之誠誓將九殞臣無任

龍雲集卷十一

欽定四庫全書

龍雲集卷十二

宋 劉弇 撰

啟

謝解啟

儒林籲俊敢冀於並遊士版鄉書遽登於上列初非自信中亦多兢竊以大道之在天下也莫適而非真先王之用人羣也無自而不可苟惟善之以教要必求其所

長既有庠序學校之制作其材而使之新又因勸沮掄  
棄之法驅其後而為之範經不專門而士多自得之真  
趣學無異師而人致可勉之中材賢能繼踵以賓興豪  
傑望風而振起澤浸久而不竭功愈被而彌隆迨去聖  
愈遠而道德裂於經術之不完異端並起而靡敝酣於  
人心之既溺故家遺俗而失淵源之漸奇言異行而無  
誅禁之防膠墜緒於土梗之既殘而甚者昧適時之大  
方擅多岐於軌轍之殊騁而孰不乖同歸之中道且道

本一致歆向父子也而狃於同異之私蓋性非他求緩  
翟兄弟也而牽於呻吟之蔽款啟寡聞者往往而是離  
實學偽者人人有之抗歲月於有限之終身費精神於  
無補之末用要之而無宿得焉而不精振古以還其失  
彌甚適遭上聖之撫會遠覽前世而紹隆去區區無用  
雕篆之空言收歷歷可觀聖賢之奧旨張既設之科而  
厭之以畢足之榮願溫已故之學而授之以不二之師  
傳上自京師則既已置員下迨郡國則莫不有教時其

三歲之始取以一日之長遂使各以類求是用結登畿  
之綬將令由此途出無非收入穀之英固宜得不常有  
之偉人且以當未易量之盛選如某也生而不患少也  
多畸能無毫髮之足稱責有丘山之自累揣摩投策而  
不適世用薄曲謀生而動貽日憂鬻技以百金已意他  
時之必售吹劍者一呖曾何微韻之足聞弊衣塵垢者  
二十春大學齋鹽者五六載轉蓬無定一囊飄泊之孤  
蹤畫狗非工數幅殫殘之緒業塵埃徒被冠履不完任

性而已矣而駭之者指以為恣肆俯仰徇俗笑言自若  
寄意而已矣而疾之者議以為狂踈而又以一身當衆  
人風波之衝凡十載居有司繩墨之外自知命也其謂  
人何豈意三獻於楚邦尚鑒荆山之璞一過於伯樂遂  
空冀北之羣聲因高而加隆矢遇風而彌迅為儒魯國  
宜不止於一人論功平陽猶取先於諸將原其所自良  
亦有由茲蓋伏遇某官衡鑑至公菲葑博取雖有形而  
必度無下體之或遺凡有滯淹孰不振起熙如陽春而

物被其賜者無隱約之間浩若溟渤而川受其助者無  
大小之殊故使孱庸之資得預甄升之數如某敢不奮  
曹沫劫齊之氣薄償喪地之羞脫孟明謝晉之驂擔雪  
中流之憤少酬微志上荅洪私過此以還未知所措

謝解魁啟

邯鄲故步失已彌年赤水遺珠得之此日遽超倫等載  
灼心顏竊以學將為人仕貴得路兼簫雲之敏者志何  
有於伏櫪資運海之擊者勢不存乎枋搶在物則然其

誰無意雖抱關不肯碌碌而載質蓋嘗皇皇經綸暫屈  
於壯圖翰墨決然於下策三府辟召漢士知名十上苦  
辛唐人相弔洪惟睿聖之顧俊參以聲律而張科舉  
司熟視其中程郡守力為之勸駕一一之天球在東  
序紛紛之振鷺集西雖黃卷素心青雲餘事謂為獨  
拔宜屬兼該如某者情昧性資濶疎人品事焉無所  
苟而已學也亦孰知其他越自卅年粗知筆氣箕裘  
爰紹不意李公之復生頭角頗驚皆謂柳氏為有子

終南之仕塗徑雖捷少室之山人價徒高無補蹉跎殆  
成落魄懲是取蹟勉哉應書鼓胷中之氣而僅盈積  
後來之薪則居上獨慚高固之賈餘勇誰若票姚之  
再冠軍前抗第疑旌邈飛鳧伯兄仕路已捷先  
鳴季弟英躔仍陪逸駕遺恥就刷迷魂頓還衆口擲  
掄一朝粉澤董生之賦仕不遇初若可憐元亮之歌  
歸去來亦其自審敢意疊雙之巧遽成借一之功茲  
蓋伏遇某官採葑盛時推轂多士山玉移潤秋陽借輝

道大而無所不容行中而歸則斯受遂令屑瑣輒冒甄  
收某敢不冷汰智源剔抉學藪回春於律取敵以勅高  
謝倦游聊鼓勇往不類雷門之鼓徒有虛聲庶為陶壁  
之梭使知速化過此以往未知所裁

謝及第啟

試言無補方將求退於知難為宰則多旋見兼收而待  
用冒寵滋甚循涯已踰國家恢百世光明盛大之隆名  
振五代凋弛決裂之墜緒永念求治洪惟作人士能自

脫於顓蒙魯固之餘俗亦浸蔽於放僻邪侈之習爰逮  
上聖更新遠圖剝去隋唐聲律無益之科雜用商周學  
校致養之法每當三歲而下詔許以一經而應書參能  
於小已所以攬衆而無遺發問於臨時所以掩人之不  
備既開之以胸臆激發之憤懣又稽之以精力一作心性探  
討之淵源以上則有弼諧輔相之任待豪傑為異時必  
得之榮以下則有米鹽簿書之職拔淹滯為終身不廢  
之漸爵祿方且四出巖穴為之一空在異人則不俟乎

聘招雖中材而猶足以成立華門圭竇之下無復平

日之阨窮駟馬錦衣之徒類皆新進之榮耀末俗改彌

壯之觀故里駭更增之輝然大道之廢興也雖然

京本  
作要

之亦各有時而君子之出處也於此

京本  
作馬

可以無悔矯

矯西山之霧豹競奮其潛寥寥在漢之冥鴻畢羅而下

一勵壯節決為顯塗青雲指期而可躋白首轉食而何

愧得之雖曰有道居者尤難其人如某者單平孤蹤齷

齷下品生當太平

京本作  
平世

而初不廢學出自晚節而僅

能知非浩博六經之津涯過目隨失紛綸百代之枝葉

觸塗生疑師友謂之無堪父兄許其更進艱危

京本作艱

萬

狀萍蓬十秋行止非人而任天得失自是以聽命轅駒

局促而更覺每下杜木擁腫而誰憐非材多競彌劇於

負芒克苦幾同於嘗膽抗塵容而走俗狀益厭薄遊登

金門而上玉堂分絕榮望曩自計偕而入報偶同俊傑

以並馳力既不量分亦可料爛漫春花之九十豫指歸

期間關帝里之三千初迷去路妄亦應敵敢圖成功豈

意技每出而未窮氣再鼓而滋奮奏名禮部偶處於下  
陳著籍宸庭復陳於中列初類怒鼉之見式僅同倦鳥  
之驚還豈惟遭遇之適然良由獎引以及此茲蓋伏遇  
某官仁於成物公以存心棄小瑕於追琢之中斂寸長  
於繩墨之外寒茲豫霑於膏澤殘隙亦被於容光借之  
樂善之片言成此育材之大助遂使鈇刀之割輒從尺  
蠖之信某敢不激懦志於夙昔喪沮之初收微效於蹉  
跎成就之後上酬君造次荅已知過此以還未知所措

謝中宏詞啟

右弇啟蒙恩以弇宏詞入等減二年磨勘仍除前件官  
者功名爵祿常恐造物之忽人翰墨文章獨笑腐儒之  
左計初如大行益門在前而驅跛鼈者責之一無以勝此字  
任忽若洞庭彭蠡方至而挹滄浪者濯之一無清此字

德則居多醜將安寄且漢家無取以數路而唐人連中  
者八科名實辨故不使病主司途轍優故因以勸能者  
洪惟上聖之有作申以先朝之未行乃設詞塲一作科爰

代制舉九品以

一作已

往則皆課密以俟一歲之始則間

聆風而趨凡砥名礪節之流盡提槩持鉉之手靡羞馮

婦之搏虎切陋朱評之屠龍大而經史之發揮近則祖

宗之故實支離他學奚啻公孫數萬之詭辭瑣尾冥搜

間及虞初九百之小說表章序記之騰踏銘檄箴頌之

歲蕤吮嗽元和粃糠正始青錢萬選有心者所同丹桂

兩春所

京本作必

得者無幾要須刻燭倚馬之敏乃副當宁

仄席之求如弇者么麼賦材衰寒綴族含蓼食蘼屢更

苦辛鏤冰畫脂殆少成就愚賈操金而無益於學枯魚  
銜索而所惜者時俛俛代耕資緣筮仕州縣徒勞人耳  
豈出本心富貴吾自有之僅成虛語一昨引對天陛滯  
留神州泛泛類水中之鳧累累如喪家之狗薪芻價高  
而益億田園蕪沒而將歸稍激懦衷猥偕羣俊夜中行  
獵誰識灞陵之將軍跨下期人半是淮陰之年少巨題  
鎮而萬牛回首私魄褫而六鵷退飛固自無奇僅能成  
綴些魂招楚暖律移鄒驚三

京本作  
經二

任於數

京本作

千里

之餘收兩科於十七年之後寘諸首善之地責以育材  
之榮亶其有由悸不自定茲蓋伏遇僕射相公斯民先  
覺

京本作知  
覺後亦同

吾道主張作股肱耳目而賡元首之明取

飲食教載而任大臣之事台光燭被不間鄙居鈞力陶  
成曾微窳器廟堂銷未形之患邦家立太平之基遂使  
孱愚亦歸甄採敢不紬繹故學瀹䟽初心收之桑榆  
庶或未晚困于艱阨於焉取亨間懲五短之易窮尚冀  
三餘之足用方君相有為之日行或使之在犬馬欲報

之情死而後已過此以往未知所裁下情無任感恩銜  
遇激切知歸之至

謝主文曰斯民先覺吾道主張權衡持一世之平水鑑  
得大形之正因其行事焉而行志取所恕己者而恕人  
和氣每餘有如青春之在桃李公心備盡不以下體而  
棄菲葑遂使孱愚亦歸甄採

謝改京官啟

右弇啟蒙恩授前件官者宵露時雨疏汪濊於九天流

萍繁袍拔泥塗於一日繇中士稍班於上士見遠臣所

主者近臣腰間豈能無愧乎銅章墨綬之榮墀下不復

自比於馬走牛醫

二本作牛  
醫馬走

之賤語大方之家則足以

竊笑顧小己之得則未為背馳如命者孤根易搖燥石

難汗海運六月有心者所同君門九重無路而自達始

也汨海縣沉冥之簿領既而困學宮冷落之蕭鹽疾風

忽攪於靜枝故吾旋失於交臂肥頭厚面無噉

京本作童相

之可憑小黠大癡直窮鬼之未送涸鱗

京本作鮒

丐斗升之

水飛鳥慳腹背之毛萬里一身四官六考猶幸比陶匏  
薦帝園壇之右仍愧旅苞茅充庭方物之間置之儻來  
理或可必驚魂未定僅出選人之火坑俚語相傳重登  
布衣之桂籍茲蓋伏遇恩主運使大夫

印本無此六字

任恕不

任察達已必達人和氣居多有如青春之在桃李公議  
所至不以下體而棄菲葑物取而為低昂士卜而知榮  
謝惟善人能舉其類與大夫同升諸公傘敢不擺倦客  
之塵鞭駕馬之駕退俟盤錯收之桑榆底忠

京本作公清勤

儉之節以踐所學之言杜苟且因循之私而宿自公之  
實亦有人民社稷往服乃官臂猶淮濟江河庶通諸海  
上酬洪覆次荅卿雲過此

云云

謝運使度支舉京官啟

右某伏蒙運使度支舉某充京官任使者彌年竊食甘  
為劵外之哀遲大吏

元本  
作使

拔材使應需頭之論列寵驚

意表醜溢顏初竊以斯人固未易知惟善為能舉類情  
貌猶山川之異氣俗有楚越之殊簪紳實繁淄澠奚辨

冒昧而據則不惟賢否之淆混侵尋以久則亦繫朝廷之重輕厥惟升沉正在甄別於是考諸平日之選調委以本路之監司大則鴻臚鶚麟

京本作麟

而於此有聞小則

櫛比鱗次而猶將自効苟應茲選是為至公如某者斥

鷄卑飛蒲盧晚肖學既謀道則因以謀食仕非為己則

亦將為人青雲詎

京本作縱

入於壯圖白屋初驚於崛起儻

來寸祿養指何啻於失肩妄意古人畫虎弗成而類狗昨緣濫中偶竊冷員懷哉朝暮之蘓鹽踈矣方圓之鑿

朽片言華袞得則實難中道病樗過者勿顧而又紛眼  
花而撫衷颯頭掠以驚簪青春背我而不來藍綬羞人  
而無色疇憐骯髒自審支離豈意推褒之私忽被辱涼  
之品茲蓋伏遇運使度支及先內恕得戒遐遺借之餘  
光宛在隣壁取彼下駟以充王閑某敢不惕是官箴攬  
茲俗駕拔泥塗而思勇往食冰蘖以起孤忠期報所知  
將畢餘願此恩莫重猶巨鼇之戴三山他日有歸庶康  
飽之從九鼎過此以往未知所裁卑情無任荷恩銜遇

激切知歸之至

謝王運判補發陳運使不該收使京官狀啟

京本題王

作田

右某伏蒙運判司封舉某充親民任使者數年邯鄲方笑壽陵之失故步一日赤水不意象罔之得遺珠道將

行其在於命歟物未有無因而至者曾何識拔仍

京本作乃

在迂愚如某者汨自昭之明牽多駢之智憊矣獨齋鹽

之官沉塊然纔筆墨

京本作硯

之生涯蒲盧祝形蛄蛭蠹食

衆謂獨冷以慙小知說詩無補於解頤眠畫或嗤於便  
腹子雲患事強著一書元亮浩歌就荒三徑昨緣故歲  
之冒昧間辱大吏之品題施未報而嘆川功垂成而虧  
簣自審有非其據方恐轉而之它時哉適來天不終困  
亡弓楚國違卹餘人失馬塞翁竟成後福茲蓋伏遇運  
判司封提衡公道用杞恕心變寒谷於再春還此魂於  
舊幹謂鵲枝甚穩易置則不若使安而雞肋故微棄去  
而有如可惜張之欲無缺其望挽之欲皆得所歸某敢

不勇往孤忠繕完末學勤晚報於羈勒凜初節於冰霜  
問津雲潢揮手塵點京本作轄燕葵兔麥久得春風而動搖  
馬勃牛溲尚幸醫師之收蓄過此以往未知所裁

謝田運判舉京官啟

右某伏蒙運判朝散舉某充京官親民任使者婆婆卒  
歲類紅蟻戴粒而遊饘粥勞生慙羣蛛執象而食正應  
置吾分於自爾何有處人情之必爭而沉摩肩率號於  
遺材推轂初難於大吏於此褒拔宜為寵榮如某者系

本平沉姿非秀舉畫脂鏤冰而窘材質含蓼食蘖以嘗  
苦辛世情炎涼分甘吮醜以處困客眼青白時與儲胥  
而得憎蕭哀兩毛蕪沒三徑面諛之人至比之拙者皮  
相之士或過而笑之加以充員無補於師傳牽課殆成  
於書癖荊州髀肉坐失流年漢上柳圍晚驚合抱顧茲  
天幸豈即人謀茲蓋伏遇運判朝散性恕發中鑒明洞  
末以人報國惟吏便民方其刺舉於十州初不低昂於  
一物過齒簪鴟猥加丘山決濡轍之西波揮泛絃之南

弄某敢不淪疏故智掇拾壯圖脫身帖耳之駕鄧回首  
腥腸之鵠嚇弊精黃卷凜節清永初九拔茅以彙征自  
幸難遭之卯翼丈夫蓋棺而事定庶收有補之涓塵過  
此以還罔識攸措下情無任荷恩銜遇激切知歸之至

謝運判吳朝散發改官狀啟

跼迹學宮久已知其必棄飛章宸陛今乃出於適遭在  
揣分則未安顧塞責而何有竊以欲蘩華顯莫先事為  
一則聲聞騰踏超乎如驥足之不羈一則志尚豪爽卓

乎如錐端之立見官粟蔑聞於冒食吏課時應於可書

苟就仕者皆出此徒

京本作途

則在上者亦易為力若夫藐

是孤宦置諸散員給使則不過下兵環坐而止有蠹簡

一樂初慙於孟氏獨冷更甚於廣文地實使然理宜憊

甚脫或有取是誠何功如某者衡泌勞生縑緇晚晤少

也迫更侵之貧病仕而嘗必起之風波著書叢殘正可

束諸几閣之上得性真率雅宜置於丘壑之中然猶秋

潦愧盈夏畦知病雲雨了忘於翻覆鑿杓姑聽於方圓

謂廢興命也豈嘗在人而出處人也蓋亦有命審此以  
決疾之反多矢人惟恐其不傷擠者又從而下石拳奇  
齒晚未還假道之虞羽翮風高每怯退飛之宋敢圖推  
挽轍被孱涼茲蓋伏遇運判朝散扶輿熙辰褰裳公道  
評外舊傳於月旦曾次獨擅於陽秋育周雅之莪而能  
使在陵征義易之茅而更聞連茹曲逮寒峻亟為先容  
繇是收已棄之斷而別傳青黃寬不掩之瑕而猥加追  
琢迷魂弗此而還幹幽谷未律而先春某敢不驤意經

郭惕躬政檢借色續貂之狗尾還淳終雅之鄭聲期振  
纓綏益窺霄漢不意公孫東閣之遇度越輩流庶因豫  
子國士之知力思報稱過此以往未知所裁卑情無任  
荷恩銜遇激切知歸之至

龍雲集卷十二

欽定四庫全書

龍雲集卷十三

宋 劉弇 撰

啟

代賀僕射呂晦叔啟

京本作狀  
無代字

右某伏審祗膺中檢進督西臺邁韋平奕葉之華撥房  
杜分聯之右伏惟慶慰竊以駿嘏元化奮登顯庸寄真  
宰於掌握之鑪錘攝要津於呼吸之關鍵表表有丈夫

之格業紛紛繫天下之安危自非可人曷應茲選恭惟  
某官昂精瑞漢嵩鎮符周甚矣壺遂之深中居然安世  
之默識竹帛三朝之事業芝蘭十紀之門庭帝方欽念  
於股肱人皆想見其風采果回睿矚亟遣

京本作造

台躔熊

軾隼襖曩久更於劇部

京本作郡

鳳池雞木今復見於故家

然而陰陽有待於節宣民兵更資於綏撫內則澄清百  
吏外則羈制兩陲若濟巨川既審象而登傳說坐鎮雅  
俗請拭目以觀謝安某夙荷曲全頃緣外補感風雲之

際會初倍常情庶蒲柳之蕭哀預霑膏澤第深爵賀尚

阻鳧趨

云云

代劉潛賀文潞公啟

寬夫

右某伏審祗膺制命就起師臣急賢於君大有為之時  
圖任於官不必備之始邇遐均快宗社增安伏惟慶慰  
竊以關理亂者其惟軍本休戚者莫如國平則和之使  
協章乃明而欲宣厥有重權莫易元老恭惟某官昂精  
播粹崧鎮儲休公忠一身先後四世大戒有二而命義

何擇達尊惟三而齒德居多日者辟穀養良畋熊契尚  
林泉笑傲暫輟赤松之遊黼黻神綏再撫渭川之駕風  
雲盛旦簡冊前微衷度繫當世之安危較春秋則甚遠  
孔光稱本朝之俊又方器業則蔑如曾未若擁日東桑  
拱星北極絕百僚而揆禮優五日而造朝力開經國之  
壯猷徐下蘇民之膏澤有欲為王留者初微出晝之行  
無以我公歸兮徒切居東之望某頃操嚴節出布寬恩  
瞰闕典之歲蕤欣微生之灑濯踉蹌賀厦空慙短羽之

襪襪頰播材願附洪鈞之袂北

代熊帥伯通謝司馬溫公啟

西清十稔久塵禁掖之華南服一麾偶遂需頭之請土  
冒黃而有社竹剖左以將符望溢寵初材微寄外職在  
頒宣條詔至則存見吏民惟江右雅稱浩壤而鍾陵實  
為都會控甌越一作閩而奠壤直斗斗以分躔中外綦布

者殆十萬家遠近株連者餘一千里今茲役弛歲輸之

布法更日賀之醴桑榆舒

京本  
作輸

故老之暉饁餉走疲羸

之嘆寢希獄訟更起慈祥薰然樂郊宛在隣境敢意衰  
遲之晚節猥蒙寬假之休恩茲蓋伏遇某官匠物以春  
揆材京本作事如鑑事君無非道者使人亦必器之掃積弊  
於一映之餘回已安於九鼎之重謝安之起真有意於

蒼生魏相所行要必稽於故事顧令疲繭亦預挽推伏  
望借之涵濡須以歲月撫韋丹遺愛而觀其撫字想孺  
子高風而俾之激昂他日自期不作陶鎔之長物樊廬  
相望庶安桑梓之餘生

代賀李公擇遷戶部尚書啟

右某伏審擢能天陞峻秩民曹宣力帝念於股肱賦命

國資於喉舌在周則兼司會之職而視察

一作高視

於唐則

撫常伯之聯而薦揚橐絢紫荷次隣台象駢來異數大

慤輿情伏惟某官惟嶽儲靈自天播粹諸公無以右者

天子居然器之軒昂白筆之孤標騰蹕四螭之穩步屬

者驟膺宸獎進督邦成賜衣雖識於元紘升殿共榮於

善果生齒以上皆書版於是亦足有為富貴於我如浮

雲惟公可以無愧若某者唧嘈短韻樸樾下才誤蒙半面之知猥當一道之寄賀雀適欣於成屨疲馬徒處於  
戀軒慶抃交深悃悃曷既

代回賀蘇舍人啟

子由

右某伏審黼宸尚文綸闡煥寵雖曰本朝之故事實惟  
賢者之得君伏惟慶慰竊以待從之班一時盛選文字  
之職厯世難能必有雄深雅健之才卓爾不羈然後討  
論潤色之地處之無愧旁驅異號上直星垣追古盛典

揭諸光明則倬乎雲漢之麗高天諭上德意歸之溫厚  
則熙如陽春之回品物忠義之所加也尚足以感零涕  
之悍卒華藻之所振也或至於悚閣筆之同僚體古人  
風有如傳昭號大手筆有如李嶠王勣則立成五冊徐  
浩則兼掌兩宮用方遼猷尚有遺恨恭惟某官英躔間  
氣冊府高流夔臯厚躬農黃許國剛柔素志而無所吐  
茹堅白一節而莫能磷緇當世士大夫久矣慕其風流  
在人賢不肖皆能道其姓字文章雄放如造父駕騏驎

而取道辨議灑落如神禹排淮泗而傾東平日著書蓋  
嘗弗論揚雄班固而下少年發策不意復見晁錯董生  
之徒果然簪紱之通津忽視鈞衡於頃步敢圖譙挹辱  
賜品題憐晚晚於物外之餘齡慰寂寞於天涯之孤宦撫  
躬有寄沒齒知榮應龍翔而雲霧從方幸聖賢之相值  
大厦成而燕雀賀庶同民物之交欣

代謝政府啟

江城假守蓋承雅俗之久安計局除書忽自中天而下

逮力綿寄迫寵溢愧盈竊以盛世惟任是圖外臺所繫尤重或興利除害以順民欲或揚清激濁以肅官聯獄

訟特

一作時

賴於反平貫粒盛盈於輸入且治劇一道必

責成衆材而某孤愚寡儔迂闊自效列郡之寢嘗玷兩書從臣之章亟聞四剡俄拜成命使臨列封然而章瀕

未究於謫材楚甸輒更於初服疇溫坐席載跋征羈

京本

作

不淹旬時言就事役民俗龐固土風淳和茲蓋伏遇

某官鱗翼攀援菲葑採掇還贄遠侔於姬旦開閣更甚

於平津台末輝光自有及微之燭鈞中造化悉成播物  
之仁力致辱涼偶霑優渥夫何冒昧適當君相材官之  
秋庶幾始終不負朝廷寬恤之意

京本無君相  
朝廷四字

### 賀呂司空啟

冊布內朝秩隆室土解廟堂之庶務專軍國之要機伏  
惟慶慰恭惟某官昂星播粹崧鎮炳靈公忠一身先後  
四聖智勇仁而成治則一德爵齒而兼有其三裴度繫  
當世之安危孔光號本朝之俊乂雖功成名遂亟辭龜

組之榮然業鉅事叢未釋冕旒之眷式正面槐之峻載  
加公袞之華二日一至於都堂一月三赴於經席呂望  
之畋來渭水舊副師瞻周公之老在京師終懷王室曾  
是慶門之盛事併為熙世之元勲某猥以微生獲覲闕  
典踉蹌賀厦空慙短羽之禰襪瓊甕播材願附大鈞之  
塊圮

賀范右揆啟

光奉制書進持宰柄伏惟慶慰恭惟某官簪紳間氣宗

杜元工局量淹宏聲猷藹茂竹帛四朝之事業芝蘭數  
紀之門庭江左衣冠半居王謝西京文物宸盛韋平爰  
丁舜旦之重華適契尹躬之一德增重潭潭之府聯輝  
兩兩之星笑談雍容足以謀王體而斷國論樞軸運動  
足以熙帝載而亮天工朝方耆德之是資人謂太平之  
復見躋俗夏子抗身臯夔此其成功宜不淹日某賀深  
燕雀禮邈巾幘撫名器而識勲庸觀風雲而知感會已  
聞審象初深若濟之旁求願比在鈞庶託猶泥之瑣質

賀某右丞啟

伏審光膺綸命進貳柄司忽從六曹俄正四輔伏惟慶  
慰恭惟某官粹全業履膈臆忠嘉備古今難到之完名  
究天人未該之極摯薛宣平日早聞數器之能無伊尹  
素心常恥一夫之不獲屢更中外之寄獨結聖神之知  
果副僉言亟隆寵數居曳履鳴玉之地陪攀龍附鳳之  
游民指不日之治安士得斯時之矜式某頃緣孱朽獲  
備按廬黃扉尚阻於鳬趨丹慊第深於雀賀數陳曷既

踴躍知歸

賀右丞啟

伏審肅奉制冊亟躋柄司伏惟慶慰恭惟某官六德敦宗千齡感會憂國白首抗身青雲挺特公忠雖強有力而不憚慷慨論列無賢不肖而皆知帝念厥庸人謂必相一昨宵形傳夢世急曹隨臺烏之朝夕未賒池鳳之羽儀斯就坯冶一新之雅俗障隄百廢之末流不意熙辰復見此日而某幸叨陶鑄陪阻中憐應龍翔而雲霧

從親逢盛際大厦成而燕雀賀庶託餘生

賀黃右丞

安中

啟

伏審祇膺帝訓進貳國鈞伏惟慶慰恭惟某官表著高  
流經綸茂器學問兼富早有絕人之才科第連收遠出  
多士之右一昨動中台之夜色拂靈豸之冠塵寵膺便  
蕃聯升宥密落落青雲之事業侃侃黃閣之訏謨抗身  
臯夔躋俗夏子

京本作躋  
蹤伊旦

式副望霖之衆願別收勒

京本

作鼎之壯圖而某觀感雲龍叢歡燕雀將以考古今得

材之盛莫如誦中和布政之詩敢獻丹衷庶同愚衆

京本

云考古今得材之盛莫如正人誦中和布政之詩庶同愚衆

代運判賀左丞啟

伏審茂膺中檢進轄左臺朝廷之勢益尊民物之情胥  
悅伏惟慶慰恭惟某官簪紳間氣宗祏元龜世懷開濟  
之事功衆識始終之忠赤頃持白筆涇渭一判於正邪  
晚步黃扉曩鼎繼收於勲業然而物論未愜帝眷益隆  
薦易三駟中居四輔十載臯夔之雅志一時邴魏之休

聲行見茲登顯庸就正元宰更動台躔之夜色別滿槐  
庭之晚陰某言貳漕符阻攀鈞咫尺幬雖邈鎔鑄知歸  
元首明而股肱良適邁千齡之會大厦成而燕雀賀第  
深微物之誠

代賀除僕射啟

右某伏審肅奉綸言進司鼎鉉伏惟慶慰恭惟某官簪  
紳間氣社稷宗工忠每有餘乃心在於王室物或失所  
若已納諸溝中生也篤於自誠衆皆謂其必相果符物

色亟允僉俞轍迹所環動植咸遂由是當世不意周召  
之復生益使斯民知有堯舜之在上坯冶更新之美俗  
旂常有待之元勲而某螽躍徒深鳬趨莫遂雖無堪之  
瑣質何補曲成庶未泯之餘齡長觀盛際

賀孫中丞啟

京本作狀

右某伏審光膺顯命進擢中臺伏惟慶慰恭惟某官一  
德惇宗千齡感會以天下任結人主知激昂公忠沮金  
石而彌勁慷慨論列凜毛髮以生風果副簡求亟司彈

劾未擊方秋之鷹隼已空當路之豺狼上思韓臯之紫宸人畏沈約之白簡紉補名教障隄澆謫佇聞制麻行即台衮宜有未忘之藥石益進危言庶因不朽之鼎彝別紀成績

賀彭狀元除中書舍人啟

右某伏審光膺綸制峻直紫垣伏惟歡慶恭以某官學與天人識該今昔羣書縱讀俱下數行盛年決科獨取第一舊想烏臺之風尚晚更軺傳之光華況是贊書之

榮尤為法從之選命兼東里地切西清非體要不足以  
擅蜀相之周至丁寧非辭華不足以追漢人之深厚爾  
雅宛若成章之雲漢間則驅號於雷風雖五色雜判以  
名官然歷代皆寶而為訓果聞時傑亟副庭僉黑頭三  
公此為階漸青錢學士宜愧騰軒某初阻鳬趨寂深叢  
躍登崇良峻方觀盛世之急材聚會精神竊幸賢人之  
得路

賀中書侍郎啟

右某伏審肅奉明綰進升西掖伏惟慶慰恭惟某官謀  
經天緯望藹民瞻許國以方寸之赤心得君於始終之  
白首揚歷內外雍容事功比丁舜政之重華適契尹躬  
之一德扶輪初日使物取中回律方春與時更始入夜  
而台符動色分聯而鼎鍊增安厥惟隆平宜在朝暮而  
某賀深燕雀禮邈巾幘撫名器而識勳庸觀風雲而知  
感會行聞審象更深若濟之旁求願比在釣庶託猶泥  
之瑣質

卷十三  
賀中書侍郎啟

右某伏審肅奉制麻進司省掖伏惟慶慰恭惟某官簪  
紳間氣社稷宗工有古人風號大手筆十年鵷鷺之綴  
未始枉尋一日鳳凰之池忽在平步眷言樞近果屬老  
成任獻替敷奏以輔吾君兼討論潤色以率其屬地逼  
翻階之紅藥人榮揮翰之紫宸伏望重策要津俯慰輿  
願更傍依光之日月亟持造物之鈞鎔而某螽躍初深  
鳧趨尚邈方幸商周之灝噩再覩熙辰行聞舜禹之都

俞別疇茂采

賀中書舍人彭公啟

右某伏審茂膺中制進陟西臺伏惟慶慰竊以王言譬  
諸絲綸天常為之筆舌周分內史尤重贊書漢號右曹  
特先文士晉則重當作董安于之善名命楚則觀射父之

能訓辭自非望超稠人才掩賈古則何以高躋青雲之  
步俯吟紅藥之堦恭惟某官簪紱清流經綸茂器奮騰  
科級驚人奚翅於一鳴灑落辭源瀉潤更逾於九里實

與名而適副學將仕以兼優方急代言旋聞倬直踐青  
瑣之闥彌覺地崇窺紫微之垣如在天上數寸之管足  
以澤當世五花之判足以輩昔人是為儒者之亟榮行  
當天下之大任方深頌詠猥辱牋題弗遂鳬趨第勤蚤  
躍

賀李左丞出鎮河陽啟

右某伏審懇辭機柄榮展藩麾釋四輔之班聯擁三城  
之節制伏惟慶慰恭惟某官學周貫變識際浩茫文章

宗師社稷輕重雖便蕃異數契此壯圖而沖漠高懷悠然勇退未正商巖之律亟有參墟之行汲長孺卧治淮陽徒迷清禁公子牟心存魏闕宛在重湖曾未若青雲不繫於去留虛橐獨全於張翕臨土厚水深之雅俗聯車馳轂擊之近畿脫屣黃扉息肩畫隼方冥中外於一致自識功名之兩全某往荷坯埏最深踴躍謂如公者閱天下之事居多不淹時焉副蒼生之望重起


代賀謝梅孔二學士啟

伏審給尚書之筆初驚對語之鏘洋登道家之山旋被  
褒恩之渙渥多士矜式一時輝光伏惟慶慰恭惟某官  
秀舉絕塵沉思詣極學覩聖奧經為儒宗咳唾之餘貴  
甚珠玉文章所在炯如日星輔臣初急於名聞天子尚  
嗟其見晚果緣洽博亟邁清華將見承明禁廬大啟亨  
嘉之漸羽陵蠹簡悉成是正之傳益步青雲別吟紅藥  
敢圖謙借曲逮緘題好與禮以兼稠感將慙而併集朱  
明式屆福履冀綏展挹方賒頌言曷既

代上江西南按察察院啟

右某向以薄躬猥當殊眎袁臨汝柱舟於謝尚纔取長  
哦徐孺子解榻於陳蕃初緣夙望曾未若邈爾微傾蓋  
之故惠然出賞音之知求之可人正自難事伏惟某官  
沉機叩寂清韻稍微暫辭治府之故烏亟耀使衣之孤  
繡掃弊章貢則新爭歲律滲澤瀟湘而和蒲春風藥瘡  
疲羸肉骨寃滯瀾襟照慝當路之材黨悉空鄂渚拔材  
脫穎之錐端立見要津殆由此始公論孰曰不然况在

羸涼更深祈嚮病樗當道曾勞匠石之觀旁頑石化羊  
行俟金華之叱起



龍雲集卷十三

# 欽定四庫全書

集部

龍雲集卷十四

五

詳校官庶吉士臣吳烜

侍讀臣孫球覆勘

總校官進士

臣

朱

鈐

校對官主簿

臣

郭

祚熾

謄錄監生

臣

徐

葆

欽定四庫全書

龍雲集卷十四

宋 劉弇 撰

啟

謝發運張龍圖舉太學博士啟

右某伏蒙發運龍圖舉某充太學博士者需章亟上申  
以古人特達至到之知黷舍傳驚指為儒者發揚光大  
之漸舉浮情外愧溢顏初竊以盛世所先博士其選矩

範後學羽儀衆經爰自秦漢張官以來蓋承孔孟絕學  
之後秩比六百石員纔數十人茲號上庠之游非徒他  
職之比大則天人之精祲能識小則師友之淵源可知  
著蔡今昔之危疑黼藻皇王之憲度公孫仲舒也或牧  
豕下帷以卒其業稚圭朱游也亦解頤折角以成其名  
江公則世謂詩宗張憑則元作益人稱理窟流畧雖遠聲  
容若存是為清塗何有非據如某者蠹蟬末智技鼠短  
能從田偶脫於白丁規糈殆成於倦客進既弗能而退

或京本作又

未可上則不足而下則

京本作或

有餘一昨謝海邑

之沉迷丐主司之披拂兩殫擄

京本作窘

步四躡高躔翩然

澤國之行尸此學宮之責揣摩從事僅知戴聖之四興

教育非工徒愧孟軻之一樂而又身與病會齒將衰臨

痛嬰肺絡以戰枯秋入顛毛而化綠再暮泣止百謫樊

然間則自尤拱以待斥它日絕交之中散每取深憎當

年獨冷之廣文分迷初局豈徒孱瑣誤辱推褒茲茲伏

遇發運龍圖連茹熙辰推轂末路羿轂借

京本作謝

中央之

所舜陶移苦窳之資有味其言豫為之地恥臧文之蔽  
惠同公叔之升俱遂使平生漂泊之餘亦預當塗考察  
之獻某敢不夙宵迪檢新故刊精去其所性之不存期  
於自信而後已孰謂澗溪沼沚之品京本作水或補薦羞庶  
因胸脅腹背之毛終成羽翮過此以往未知所裁卑情  
無任荷恩銜遇激切知歸之至

謝運判王司封舉大學博士啟

右某伏蒙運判司封舉某充大學博士任使者排清漳

一作清瘴

之病非岐扁之砭劑則無以起綿惓取太行之道

非良藥之銜勒則無以絕阻修然病客常見困於折肱

京本作服

之家駟駿每興悲於按圖之市以方論薦寧復懸

殊惜哉公道之寂寥甚矣仕圖之旁午詭時者右膏粱

而左寒畯逐迹者崇勢利而羞賤貧同鮑叔知管仲者

其誰若臧文蔽展禽者皆是自非報吾君而以士因是

人之必求水鑑九流蘭茝十步觀所主以至於為主舉

爾知而闕其不知論訛弗奪於朋邪散艷靡牽於流俗

則何以有功推轂無愧征茅如某者學海盤渦英躔末

駕讀書皆輪扁竊笑之糟粕得祿纔曾參及親之釜鍾

往從例試

京本作  
吏試

之選員偶寘僅完之膠舍訓說自效

介愚弗移不知者謂我何求無常者以儒為戲開懷見誠

磊落胃次任真者如此而或不免於浸潤膚受寡儔少

與屏棄外物

京本作  
物求

畏事者如此而或見病於遽蔭戚

施歲晚晚而景淹留神怵迫而思紆鬱貌先悴以收渥

髮迎憂而送華孰憐江澍之戲麋姑聽衛人之煬竈敢

希題品爰被羈庸既剡之以粹純溫潤之章又挽之以  
發揚光大之漸茲蓋伏遇運判司封山玉移潤秋陽借  
輝軒軒吾道之主張炯炯此心之明白使扶盧直鑄無  
有於廢材而治鱗播精亦得以攘臂有所謂公無私者  
必本之賢不肖焉某敢不撰念京本作志清冰撫躬害馬低  
昂物變吮噉聖真抽白簡以寄淹噉峨青衿而慨城闕  
且華陰之土拭劍已拔塵京本作沈蹤而海客之槎到天廡  
非虛觀過此以往未知所裁卑情無任云云

代李令謝舉升擢啟

得邑海壖竊食浸聞於冒昧論材宸陛飛章忽預於鑄  
評賜越溢以驟加愧茫洋而交集且古之設官也以當  
職為務而縣之有令也蓋得人尤難委之或輕弊亦隨  
至厥惟西門子賤之既往間以中年洛陽之嗣興長才  
比肩健吏方駕卓爾擅故家餘京本作遺俗之美休然有君  
子長者之風敏手運於擾擾之末流利刃游於恢恢之  
餘地廉遜脩而爭訟息篤實長而薄惡消仁興未冠之

童暴草不羈之獸烟火相臨

京本作隣

之郊而無犬吠之警

麻麥微步之逕而有雉馴之娛洪惟我朝尤慎茲選或  
給札於遣行之日以諭其意或榜詔於視治之地以要  
其能桑榆舒樂歲之暉灌溉禪時雨之潤罷庸不振者  
至俟之以黜責而去不旋踵強果自效者或拔之倥偬  
而起如奮毛朝躋墨綬之下陳夕駭朱轡之華觀雖由  
三歲之綿歷亦有一昔之階緣自非物論奄歸官箴彌  
惕平日去偷脫苟簡之累大吏加特達至到之知則何

以上當薦延坐俟驅策如某者侏儒散質樗櫟下材偶緣世及之私遂獵俸餘之養視營營而若喪期效一官歲冉冉而不留行逾二紀乏剗劇撥煩之敏貽包羞尸素之譏綆以深汲而亟窮燭或小明而鮮繼士元驥足孰敢自名言偃牛刀初不知措效顰無補失伍幾多方虞瘼曠之徹聞豈意獎憐之誤及貂不足而續狗尾雅既終而奏鄭聲茲益伏遇某官格物以公不以私事君以人不以己泰茅引類鄒律敷和成表無間於貂蟬構

廈弗遺於樛楔急其小善被之先容某敢不疊疊率循  
兢兢迪畏孰謂脩途之步更託其初庶幾順風之呼卒  
因於勢過此以往未知所裁

代回廣州蔣待制啟

伏審光奉渥恩進聯法從伏惟慶慰竊以儒臣妙選延  
閣清班宸翰祭於奎鉤寶構蠹於天漢稽故事以張局  
緣美名而命官舊稱華塗最重昭代厥拜嘉寵莫先高  
流恭以某官識際幾初學臻聖處筆端泛灑如合膚寸

於泰山襟韻曠夷能吞八九於雲夢五車經目以殆盡  
三第比歲而連收暫厯烏臺梟鷙自判晚更龍節貫粒  
取盈一昨輟局淮堦偃藩嶺服方詩書而謀元帥俄尊  
俎以折遐衝妖巢殄覆以無邊秋杳寂寥而不警歲纔  
一閱績已四聞雖望之意在本朝尚紆民寄而薛宣身  
無數器素結主知果副推褒亟躋嚴近正應不測之大  
用宜亦可料於此行首沐沖私過騰柔翰永言銘篆交  
迫惴惴

回廣州蔣待制啟

伏審祇奉明縉榮升內閣伏惟慶慰竊以儒臣之選待  
制乃達官御書所藏寶文為近事上倣龍圖天章之號  
至比金馬玉堂之游文物相望於百年將相此出者大  
半自非擅天下譽結人主知則何以驚疑厲昌辰雍容  
法從恭以某官學臻聖閭望藹朝紳智其存物之所為  
厚也有功而不德椽筆馳騁連捷三科輶車光華薦更  
數路霜臺舊傾於風采澤國晚最於輸將頃者加直禁

廬出藩南服殄披猖之妖黨奪氣魄於裔蠻徹柝夜沉  
海瀾秋宴龔遂之出為渤海固欲安之汲黯之卧治淮  
陽今君召矣果躋清切俾究將明以是知公論所歸斯  
可為大用之驗某阻趨旌榮竊快風雲曲踊茲多誦言  
曷既

代賀發運朝請啟

右某伏審祇膺明陟榮總計權伏惟慶慰恭惟某官罷  
幹淹詳聲猷藹茂東天子之眷知為有舊閱生民之利

疾為已多西指陝郊劇部方新於泥檢南還淮服故吏  
重識於芝眉光華六路之提封絡繹萬艘之轉餉隆最  
佇成於入奏清班別副於寵陞某幸以瑣材猥居屬部  
悵鳧趨之尚阻起螽躍以居深式屆高秋冀精視履

代起居李公擇

竊伏台符薦更歲籥名弗通於紹介迹初遠於門牆恭  
以某官雅量鎮浮沉謀詣極翱翔瑣闥青雲何啻於二  
十年酣疑泳衆家藏書殆逾於數萬卷力張忠膽以許

國加有愛心之在人方且階次於民曹行見指期於鈞  
席某屬當嚴總居竊隆休未申伏閭之私第結蔭雲之  
想歲陰茲宴治府方遙尚覬保綏式符倚注

代與文龍圖啟

欽風有自展敬無從跂牆仞之崇隆覺魂爽之飛越恭  
以某官著蔡王度箕裘相家藹茂聲猷高出近古慷慨  
忠義度越衆人翹然廊廟之材焯是圖書之府行膺睿  
柬早正鈞除下副輿情力張元化某因循歲月飄泊江

湖未申伏聞之私徒結蔭雲之想微和式屆尚冀節宣  
賀范發運啟

伏審肅將使指總制邦儲六路盡入於提封雙節載華  
於初命伏惟慶慰恭以某官臯稷帝世韋平相門朝推  
氣尚之激昂衆識事為之開濟果膺乃眷亟有此除劉  
晏資半菽之饒韓華條屯田之利用方盛際宜愧後功  
流馬木牛更衍萬倉之紅粟鸞坡鳳城別回一日之青  
雲某承之江干竊輝淮服悵鳬趨之莫遂第山仰以交

深

問侯潁昌府曾資政啟

緬邈東南猥將使指侵尋歲月阻奉台規跂牆仞之崇  
隆覺魂幹之飛越恭惟某官星躔符彩嶽鎮炳靈經國  
壯猷蓋嘗羞比於管宴傳家盛業不復多謝於韋平頃  
輟煩機寢更外補雖古諸侯之任暫屈於遠圖而舉天  
下之情猶欲其再相想符夢肖亟處師瞻庶期蒲柳之  
衰姿亦齒鈞鎔之故物春容晚晚邦政靖嘉尚冀遵頤

倍叢多祉

回李兌先輩啟

伏審發策廣庭影纓初仕伏惟慶慰國家張闡文物登  
崇俊髦既有學校以閱成材又即山林而起潛德萃珍  
羣於振鷺符利見於飛龍自非器茂經綸識該貫變則  
何以奮青雲於初步儼素志於當年恭惟某人翰墨高  
流縑緗積學榘楠杞梓久擅卿材珪璧琮璜果登國器  
不待抱玉之三獻而遽有驚人之一鳴敢圖曲借於沖

私輒辱先紆之盛禮數陳曷既篆刻居深

回程安行先輩啟

伏審發

下同李兌  
至於飛龍

自非下筆不休于雲直上則何以奮

鏘洋之大對收翕赫之壯圖恭惟某人貫變通材經綸  
茂器當年鄉曲已試仲容之青雲今日姓名果慶郊詵  
之丹桂行看穩步別擅要津敢圖曲借於沖私輒逮先  
紆之盛禮文陳曷既篆刻斯深

回李介經明行修啟

伏審發策廣庭影纓初仕伏惟慶慰國家張闡文物登  
崇俊髦豈惟塲屋之選以盡人材亦有草澤之求以慰  
民望竊書式觀於四出蕙帳至為之一空自非究六學  
博大之指歸揭終身粹完之時守則何以激揚頽俗奮  
發通津恭以某人學茂經綸識窮貫變竹箭之美舊擅  
東南月旦之評素高鄉里興如豪傑之不待論與秀造  
而並升一時輝光多士矜式敢謂沖私之曲借輒辱柔  
翰之先紆篆刻徒深文陳曷旣

代回張建昌啟

伏審光奉宸綸亟還朝籍伏惟慶慰恭以某官清規格  
物遠器適時奮揚昌辰綿厯撫仕出使兩路間裕九年  
之儲守邦一麾坐周千里之賜共惜雲衢之鍛翼果聞  
天陞之飛書大人初得於困亨止叟竟成於後福要津  
始此公論翕然方竊抃於騫翔輒先紆於繕染永懷謙  
借第切銘藏云云

回知府黃待制啟

伏審茂膺中制就易雄藩慰安遠民快愜輿望恭惟某  
官朝閨華貫學海高流厚重鎮當世之浮公忠得古人  
之粹再期江夏懷不挽之鄧侯千里豫章得方來之杜  
母適幸親於台範輒先枉於騰音眷將兼隆篆銘斯極  
式臨煩瀦尚冀遵頤

問候趙給事啟

伏自叱違台範更易歲華大厦將成燕雀知賀青天莫  
覩雲霧徒披第搖向往之心旌居竊沖融之德蔭恭惟

某官學躬貫變識洞洪微頃以將明之材亟當封駁之  
選任當世之所不次心古人之所至難行因瑣闥式正  
鈞席某輸將遠外覲對差池冀慎猷煩以極榮寵

賀新提點朝散啟

伏審光奉俞恩就更使領伏惟慶慰恭以某官淹通翰  
局藹茂聲猷平生以忠義自持所至而民物受賜果從  
郡寄爰督冶司數路撫封發賢人之蘊未完一朝聯事  
而拙者之幸固多行挹標規劇深栖倚

謝鼎州知郡朝散啟

伏審言就剛辰竭臨劇郡辱先紆之榮訊認載抑之沖  
私恭以某官風力敏強事為開爽雖伏熊之軾暫屈一  
方而解牛之刀初有餘地佇聽袴襦之歌暮別符綸綍  
之發中未卜披承第深企竦

代賀傳漕啟

轉提刑

伏審茂膺中詔就易行臺伏惟慶慰恭惟某官膈臆嘉  
猷激昂撫仕屢試煩使連收寂聲嚴節暫持雅俗早新

於吳會除書適至和氣先滿於章瀕二千石而下竦聞  
其風數十城之廣行受其賜某繆先驅策辱契交承知  
即遂於瞻凝徒載深於歡踴

京本作  
歡躍

代劉漕回興國軍朱朝請啟

伏審輒去懷於北鵠反初服於南麾入境承流涓辰就  
事悵搖棕之未控恍柔翰以先披好與禮稠感將愧集  
恭惟某官慧機敏給智局淹通勇往事功力開經濟風  
流十郡暫虛行步之憺惟惠愛一方重識班春之畫隼

尚鬱輿論行需寵褒京序式中珍頤是冀

回知軍內翰啟

嚴密省垣官纔曠免浩煩計局恩輒誤蒙撥

京本作撰

期適

及於剛辰貽獎亟飛於柔翰好先鈴閣

京本作閣

榮動檐帷

伏惟某官翰墨高流簪紳華貫鷄香故在西清十稔

京本作

作載之舊游熊軾暫更南服一時之茂最公論猶鬱寵躋

可期方忤懌以裝懷第瞻凝而寫睇朱明式屆福履宜

綏

賀正狀

興吉州  
吳守

伏以律鳳宣和星龍還次新百常於周闕標七始於漢  
歌恭惟知郡朝請絢彩南翬凝姿東箭水薤夙資於政  
檢袴襦久洽於民謠下車以來奏課連最茲肇臨於上  
日宜叢嚮於神祺某留綴學宮阻陪壽筭第幸維桑之  
芘更深俾艾之祈欣願交中文陳曷既下情無任激切  
祝頌之至

賀冬狀

伏以天統符正陽明應渙鑿沖氷於沍谷回愛日於高  
躔伏惟知郡朝散肅括風猷淹通器局殿邦樂愷子俗  
慈祥雖迎刃金牛尚淹歲晚而班春畫隼豫動物和正  
應福祿有歸是為神明所勞而某簪紳忝契桑梓寄齡  
邈爾一觴初未償於展慶篤茲多祜徒有禱於適今下  
情云云

謝升擢啟

竭來海角寢邈使麾每深桑梓之恭徒積簡書之畏望

南雲而結想便甚渴饑悵西園之游從如限天壤忽兮  
歲月之云邁移時竿牘之不脩永言曠稽孰任誅譴重  
念不肖初非賈生王褒之與拔

一作快

閣下每有河南蜀

郡之獎憐畧其單平抗以閎大濫吹曲矜於奏技覆醬  
亦許其成書攬轉蓬於衝飈而致爬搔瞰營蟻於漏壤  
而加培擁北海笑傲客緣滿座而見收荊州風流士以  
一識而為快厥惟孱陋敢廢凌兢伏惟閣下泰宇鎮浮  
隆名簿隱換郎曹之清秩控江表之上流理萬井於指

顧之間運千里於談笑之暇脩廉遜而息囂訟長篤實  
而清宿姦早聞來暮之歌尚屈行春之蓋市燕之骨宜  
不負於脩塗假虞之珍行見反於內府水陸空曠鈴齋  
靜深伏冀寢餽倍加神典

賀提刑轉官啟

代

伏審光奉渥恩榮躋顯秩攝郎曹而高紹快輿議以增  
輝伏惟慶慰恭惟某官肅括風稜淹通罷局著蔡王度  
箕裘相家照憲載湛於瀾襟申滯殆空於狴戶果從綿

卷十四  
歷式副甄升前賀搖懷方遡高遙疑之嚴節駢來異數  
行占別召之追鋒

回謝知府熊待制啟

代

漕員將事粗獲於涓辰使規望塵每深於注想悵圓函  
之未控沉疾置以先披好與禮稠感將愧集伏惟某官  
飛龍簪渚撫駕蓬山任當世之所不為心古人之未嘗  
到一麾隣壤不殊畫錦之榮千里聞風已極歌襦之慶  
快容聲之方邇戢慶抃以徒深冒涉之餘安綏是冀

回知郡賀上啟

代

漕事適將官期亟赴交承伊始抽削未遑豈遐置之弗  
忘顧柔滕之先及綢繆盛禮想見於高懷煥爛英文曲  
形於外獎仰惟鄭重第切感銘行理劇煩冀承葆練

回謝知郡啟

代

省曹承乏猥廁清流江右觀風輒持嚴節方且永懷於  
標矩豈期亟布於緘滕伏惟某官學涉淹通幹能強濟  
光華數路之命東自上心警戒卞

京本作千

篇之詩播在人

口行邁匿屏之表佇傾揮麈之談畏茲隆珍尚覲頤養  
回通判啟

遠持龍節出布寬恩上直斗牛猥當煩使適涓辰而就  
事辱流問以前期藹然聲容責在綢繆篆懷斯極染牘  
奚殫邈是披風勉哉視履

龍雲集卷十四